

**«Капиталбанк» АТБ Кредит қўмитасининг 2023
йил 05 январдаги 2/РК-сонли баённомаси билан
ТАСДИҚЛАНГАН**

**“Капитал авто 7” маҳсулоти бўйича
кредит карталарини бериш ва улардан фойдаланиш
ҚОИДАЛАРИ**

“Капитал Авто 7” маҳсулоти бўйича кредит карталарини бериш ва улардан фойдаланишнинг мазкур Қоидалари (кейинги ўринларда – “Қоидалар”) “Капиталбанк” АТБ (кейинги ўринларда – “Банк”) ҳамда жисмоний шахс (кейинги ўринларда – “Қарз олувчи”) ва/ёки унинг биргаликда Қарз олувчиси ўртасида тузилган “Капитал Авто 7” кредит картасини тақдим этиш тўғрисида шартноманинг (кейинги ўринларда – “Шартнома”) ажралмас қисми ҳисобланади.

Мазкур Қоидалар Ўзбекистон Республикаси Марказий банки Бошқарувининг 03.04.2021 йилдаги “Ўзбекистон Республикаси ҳудудида банк карталарининг чиқарилиши ва муомалада бўлиши қоидалари тўғрисидаги низомни тасдиқлаш ҳақида”ги 3294-сонли Қарорига, Банк хизматлари истеъмолчилари билан ўзаро муносабатларни амалга оширишда тижорат банкларининг фаолиятига қўйиладиган минимал талаблар тўғрисидаги Низомга (рўйх. рақам: Ўз.Р. Адлия Вазирлигида 02.07.2018 йил 3030-сонли), Банкнинг Кредит сиёсатида мувофиқ ишлаб чиқилган ҳамда Банк томонидан Қарз олувчиларига кредит карталарини тақдим этиш тартибини белгилайди.

1. ҚЎШИМЧА АТАМА ВА ТУШУНЧАЛАР

1.1. Музкур Қоидиларда қўйидаги атама ва тушунчалардан фойдаланилади:

Амалдаги қонунчилик – Ўзбекистон Республикасининг амалдаги норматив-ҳуқуқий ҳужжатлари, айнан, қонунлар, қонуности ҳужжатлари, Ўзбекистон Республикаси Марказий банкининг норматив ҳужжатлари ва қарорлари (фармойишлар, хатлар), ратификация қилинган халқаро шартномалар ва келишувлар;

Банк амалиёт куни – очиқ балансли иш кунлари, унинг мобайнида Банк ҳисоб-китоб операцияларини ўтказиши ва миқдорларга хизмат кўрсатади;

Кредит картаси ёки Кредит – кредит маблағларидан Банк терминалида автотранспорт воситаси қийматининг бир қисмини тўлаш мақсадида бир маротабалик фойдаланиш учун мазкур Қоидалар ва Шартнома шартларига кўра Қарз олувчига тақдим қилинадиган виртуал банк картаси;

Кредит карта объекти – Шартномада кўрсатилган ва Ўзбекистон Республикасида ишлаб чиқарилган транспорт воситаси;

Кредит картани тақдим қилиш санаси – Қарз олувчи томонидан кредит карта объектини сотувчи ташкилотнинг банк ҳисобварағига тўловни амалга ошириш орқали Кредит картадаги кредит маблағларидан фойдаланилган сана.

1.2. Қолган атама ва тушунчалар Шартномада белгиланган.

1.3. Мазкур Қоидаларда ва Шартномада белгиланмаган атамалар ва тушунчалар Ўзбекистон Республикасининг амалдаги қонунчилигида, Кредит сиёсатида ва Банкнинг бошқа ички ҳужжатларида белгиланган мазмунда иборанинг матнидан келиб чиқиб, уларнинг тўғридан-тўғри маъноси ҳамда шарҳи бўйича қўлланилади.

2. КРЕДИТНИ БЕРИШ ВА СЎНДИРИШ ТАРТИБИ

2.1. Шартноманинг 1-Иловасида назарда тутилган кредит бўйича асосий қарз ва фоизларни сўндириш санаси банк амалиёт куни бўлиб ҳисобланмаса, кредитни сўндириш кейинги банк

амалиёт кунига кўчирилади. Бунда тўлов суммаси ўзгаради (дам олиш/байрам кунларида ҳисобланган фоизлар тўлов суммасига кўшилади ва кейинги тўловдан чегириб ташланади).

2.2. Агар Қарз олувчи ва/ёки биргаликда Қарз олувчи кредит бўйича асосий қарзни Шартноманинг 1-Иловасида назарда тутилган санада қайтармаса, Қарз олувчи ва/ёки биргаликда Қарз олувчи Банкка қарздорлик кечиктирилган ҳар бир кун учун ушбу Шартноманинг 4.1 бандида кўрсатилган юқори фоиз ставкасида фоизлар тўлайди.

2.3. Қарз олувчидан ва/ёки биргаликда Қарз олувчидан келиб тушган пул маблағлари ва/ёки Қарз олувчининг ва/ёки биргаликда Қарз олувчининг Банкдаги ва/ёки бошқа банклардаги ҳар қандай ҳисобварақларидаги пул маблағлари Шартнома бўйича мажбуриятларни сўндиришга қуйидаги тартибда йўналтирилади:

2.3.1. муддати ўтган фоизлар (ҳисобланган, бироқ сўндириш санасида тўланмаган);

2.3.2. муддати ўтган асосий қарзга ҳисобланган фоизлар;

2.3.3. Шартномага мувофиқ Кредит карта бўйича муддати ўтган қарздорлик вужудга келиши натижасида ҳисобланган жарима санкциялари;

2.3.4. муддати ўтган асосий қарздорлик (кредит бўйича асосий қарздорликнинг Шартноманинг 1-Иловасида кўрсатилган сўндириш муддати бузилганда юзага келади);

2.3.5. шартнома шартларидан келиб чиққан тўловлар бўйича бошқа муддати ўтган қарздорликлар;

2.3.6. неустойка;

2.3.7. муддатли қарздорлик (сўндириш санаси келмаган қарздорлик) Қарз олувчининг ва/ёки биргаликда Қарз олувчининг ёзма аризасидаги кўрсатмасига асосан сўндирилади. Бунда, Банк мижознинг кредит тўловлари учун очилган ҳисобрақамига келиб тушган пул маблағларининг кредит сўндирилганидан сўнг ортган қисмини муддатли қарздорликни муддатидан олдин сўндириш ҳуқуқига эга (лекин бундай мажбуриятга эга эмас).

2.4. Кредит Тижорат банкларида активлар сифатини таснифлаш ва активлар бўйича эҳтимолий йўқотишларни қоплаш учун захиралар шакллантириш ҳамда улардан фойдаланиш тартиби тўғрисидаги Низомга (рўйх.: Адлия Вазирлиги 14.07.2015 й, 2696-сон) мувофиқ “умидсиз” деб таснифланганидан ва кўзда тутилмаган ҳолатлар ҳисобварағига ўтказилганидан сўнг барча кейинги тўловлар ҳисобланган, бироқ олинмаган фоизларни қоплашга, кейин эса асосий қарзни қоплашга йўналтирилади.

Шартнома шартларидан келиб чиқадиган бошқа тўловларни сўндириш тартиби Ўзбекистон Республикасининг амалдаги қонунчилигида назарда тутилган тартибда амалга оширилади.

2.5. Кредит карта бўйича шартнома шартларидан келиб чиқадиган асосий қарз, фоизлар ва/ёки бошқа тўловларни сўндириш Банк томонидан Қарз олувчининг ва/ёки биргаликда Қарз олувчининг аризасини, Банкнинг фармойишларини ижро қилиш орқали ва/ёки Қарз олувчининг ва/ёки биргаликда Қарз олувчининг кредитни сўндириш учун Банкда очилган махсус ҳисобварағидан маблағларни Банк томонидан мустақил равишда мемориал ордерлар билан акцептсиз ҳисобдан чиқариш йули билан амалга оширилади. Шу билан бирга, Банк Қарз олувчининг ва/ёки биргаликда Қарз олувчининг исталган банкдаги депозит ҳисобварақларидан, шунингдек, исталган банкдаги исталган пластик карталаридан маблағларни ечиб олиш ҳуқуқига эга.

2.6. Қарздорликни сўндириш, қоида тариқасида, Шартнома бўйича тўловларни тўлаш учун Банкада очилган махсус ҳисобвараққа Қарз олувчи ва/ёки биргаликда Қарз олувчи томонидан пул маблағларини кирим қилиш орқали амалга оширилади. Ушбу ҳисобварақ орқали асосий қарздорликни сўндириш Банк томонидан мустақил равишда Шартномага асосан берилган кредит картанинг ҳисоби юритиладиган ссуда ҳисобварағига, ҳисобланган фоизларни сўндириш эса шартнома доирасида кредит карта бўйича ҳисобланган фоизларнинг ҳисоби юритиладиган ҳисобвараққа амалга оширилади. Бунда, пул маблағларининг юқоридаги ҳисобвараққа кирим қилинганлиги қарздорликни муддатидан олдин сўндириш учун асос бўлиб ҳисобланмайди. Кредит карта бўйича асосий қарзни муддатидан олдин сўндириш Банкнинг мобил иловаси орқали “Муддатидан олдин сўндириш” функционалидан фойдаланган ҳолда тўлов қилиш орқали ёки Банкка қарздорликни муддатидан олдин сўндириш тўғрисида ариза тақдим қилиш орқали амалга оширилиши мумкин. Маблағларни кўрсатиб ўтилган ҳисобварақларга сўндириш учун

махсус ҳисобварақдан ечиб олинган сана кредит карта бўйича асосий қарздорлик ва фоизлар сўндирилган сана бўлиб ҳисобланади.

2.7. Кредит, фоизлар ва шартнома бўйича бошқа тўловлар Қарз олувчи ва/ёки биргаликда Қарз олувчи ва унинг ишончли вакили томонидан Банкнинг ҳар қандай офисларида, шунингдек, ўзининг талаб қилиб олингунча ва/ёки кредитни сўндириш бўйича ҳисобварағини Ўзбекистон Республикасининг бошқа банкларидан пул маблағларини ўтказиш, “Капиталбанк” АТБнинг тўлов терминаллари (инфокиосклар) орқали ёки мобил иловалардан («Uzum Bank», «Капиталбанк», «Рауме» ва бошқ.) фойдаланган ҳолда ёхуд “Капиталбанк” АТБ сайтидаги шахсий кабинет орқали тўлдириш йўли билан амалга оширилиши мумкин. Қарз олувчи ёки унинг ишончли вакили кредит бўйича тўловни амалга ошириш учун мобил илова ёхуд тўлов терминалида (инфокиоск) реквизитларни тўлдираётганларида тегишли қаторга “кредит коди”ни теришлари лозим. Қарз олувчи ва/ёки биргаликда Қарз олувчи “кредит коди”ни кредит расмийлаштириш жараёнида ҳам, ундан кейин ҳам хоҳлаган Банк офисларида билиб олиши мумкин.

3. КРЕДИТНИНГ ҚИЙМАТИ

3.1. Ўзбекистон Республикаси Марказий банкнинг қайта молиялаш ставкаси ўзгарганида ёки капитал бозоридаги манбаалар (ресурслар) учун тўловлар кўтарилганида/пасайганида Шартноманинг 4.1-бандида кўрсатилган кредитдан фойдаланганлик учун ҳисобланадиган фоизлар миқдори Тарафлар томонидан уларнинг ўзаро розилиги асосида қайта кўриб чиқилиши мумкин. Тарафларнинг ўзаро розилиги мазкур шартномага қўшимча келишув орқали тасдиқланиши лозим.

3.2. Кредит бўйича асосий қарздорликнинг қолдиқ суммасига фоизлар ҳар куни иш кунининг охирида бир йилда 365 кун ҳисобидан ва ҳар ойдаги ҳақиқий кунлар миқдоридан келиб чиқиб ҳисоблаб борилади. Фоизларни ҳисоблаш кредит берилган дастлабки кундан бошлаб бошланади.

3.3. Қарз олувчи Банка Шартноманинг 4.1 ва 3.2-бандларига, ушбу Қоидаларга мувофиқ ҳисобланган кредитдан фойдаланганлик учун фоизларни Шартноманинг 1-Иловасида назарда тутилган қайтариш графигида кўрсатилган санада тўлаб боради.

3.4. Кредитнинг тўлиқ қиймати (КТҚ) Ўзбекистон Республикасининг қонунчилигига мувофиқ ҳисоблаб чиқилган ва қуйидагиларни ўз ичига олади (КТҚ ҳисоб-китобига қуйидаги тўловларнинг барчаси ёки алоҳида турлари киритилиши мумкин):

3.4.1. Қарз олувчининг ва/ёки биргаликда Қарз олувчининг асосий қарз ва фоизлар бўйича тўловлари;

3.4.2. Қарз олувчининг ва/ёки биргаликда Қарз олувчининг кредит сўндирмаслик хавфини суғуртга қилиш учун суғурта ташкилоти фойдасига қиладиган тўловлари;

3.4.3. Суғурта ҳодисаси юз берганда суғурта шартномаси бўйича банк наф олувчи бўлганда, Қарз олувчининг ва/ёки биргаликда Қарз олувчининг суғурта ташкилоти фойдасига қиладиган тўловлари;

3.4.4. Гаров шартномаси бўйича мижознинг шартнома бўйича мажбуриятларини таъминлайдиган ҳамда гаровга берувчининг фойдаланишида қолдириладиган гаров предмети суғурта қилинганда, Қарз олувчининг ва/ёки биргаликда Қарз олувчининг суғурта ташкилотлари фойдасига қиладиган тўловлари;

3.4.5. Қарз олувчининг ва/ёки биргаликда Қарз олувчининг кафолат берувчига (кафилга) кафолат (кафиллик) олинганлиги учун, шунингдек, баҳоловчига гаровга берилаётган мулкни баҳолаганлик учун қиладиган тўловлари;

3.4.6. Қарз олувчининг ва/ёки биргаликда Қарз олувчининг гаров объектини баҳолаш ва гаровни нотариал расмийлаштириш учун қиладиган тўловлари.

3.4.7. Мижозларни жалб қилиш, улар томонидан кредит (микроқарз) олиш учун тақдим этилган ҳужжатларни текшириш, ушбу ҳужжатларни банкка топшириш бўйича банкка хизмат кўрсатадиган ташкилотлар (воситачилар) ҳисобига Қарз олувчининг амалга оширадиган тўловлари.

4. КРЕДИТ ТАЪМИНОТИ

4.1. Қарз олувчи ва/ёки биргаликда Қарз олувчи томонидан Шартнома шартларидан келиб чиқадиган кредит бўйича асосий қарз, фоиз ва/ёки бошқа ҳар қандай тўловларни Шартномада ўрнатилган муддатларда тўлай олмаслик ҳолатлари юзага келганида ва/ёки Шартнома бўйича бошқа мажбуриятлар бузилганида, Қарз олувчи/биргаликда Қарз олувчи Банкка ундирувни гаров Предмети(лари)га ва/ёки у(лар)нинг бир қисмига қаратишга ва/ёки Ўзбекистон Республикасининг амалдаги қонунчилигига асосан қарздорликни Шартноманинг 5.1-бандида кўрсатиб ўтилган Кафилдан/Суғурталовчидан ундиришга мутлақ ҳуқуқ беради.

5. БАНКНИНГ ҲУҚУҚЛАРИ

5.1. Кредитлаш жараёнида Банк Қарз олувчининг/биргаликда Қарз олувчининг молиявий ҳолатини, кредитнинг мақсадли ишлатилишини, кредит таъминотини текшириш ҳуқуқига эга. Бундай текширувларнинг даврийлиги Банк томонидан белгиланади.

5.2. Қарз олувчининг/биргаликда Қарз олувчининг ссуда ҳисобварағидан тўлов амалга ошириш учун тўлов ҳужжатлари мазкур шартнома шартларига ва/ёки Ўзбекистон Республикасининг амалдаги қонунчилигига зид равишда расмийлаштирилган бўлса, Банк Қарз олувчига/биргаликда Қарз олувчига ссуда ҳисобварағидан тўлов амалга оширилишини рад қилиш ҳуқуқига эга.

5.3. Шартнома шартларидан келиб чиқадиган кредит бўйича асосий қарз, фоизлар ва/ёки бошқа тўловларни қайтариш муддати келганида, Банк Қарз олувчининг/ биргаликда Қарз олувчининг Банкдаги талаб қилиб олингунча депозит ҳисобварақларидан, агар бундай ҳисобварақлар бўлмаса, бошқа барча ҳисобварақларидан, шу жумладан, бошқа банкдаги барча ҳисобварақларидан пул маблағларини кредит бўйича асосий қарз, фоизлар ва/ёки бошқа тўловларни сўндириш мақсадида низосиз ва акцептсиз тартибда ечиб олишда чақириб олинмайдиган ва сўзсиз мутлақ ҳуқуққа эга бўлади.

5.4. Қуйидаги ҳолларда:

- кредит картасидан мақсадсиз фойдаланилганида ва/ёки банк ходимлари томонидан кредит картасидан мақсадли фойдаланилганлигини текшириш учун ҳужжатлар тақдим қилинмаганида ва/ёки текшириш учун имконият берилмаганида;

- Қарз олувчи/биргаликда Қарз олувчи томонидан кредит картаси бўйича ҳар қандай қарздорликни (асосий қарз, фоизлар, жарималар, воситачилик ҳақи ва бошқа тўловлар) сўндириш бўйича мажбуриятлар ёки Банк олдидаги бошқа бирор мажбурият бажарилмаганида, ушбу кредит картаси ва/ёки олдин олинган кредитлар (қарзлар) бўйича муддати ўтган тўланмаган қарздорлик мавжуд бўлганда;

- Қарз олувчи ва/ёки биргаликда Қарз олувчи томонидан Кредит картаси бўйича 3 кундан ортиқ муддати ўтган қарздорликка (асосий қарз, фоизлар, жарималар, воситачилик ҳақи ва бошқа тўловлар) 2 маротаба кетма-кет йўл қўйилганида;

- Қарз олувчи ва/ёки биргаликда Қарз олувчи томонидан Кредит картаси бўйича 3 кундан ортиқ муддати ўтган қарздорликка (асосий қарз, фоизлар, жарималар, воситачилик ҳақи ва бошқа тўловлар) 3 маротаба йўл қўйилганида;

- Қарз олувчи ва/ёки биргаликда Қарз олувчи томонидан Кредит картаси бўйича муддати ўтган қарздорлик вужудга келганлиги учун Банк томонидан 3 маротаба жарима қўлланилишига йўл қўйилганда;

- Қарз олувчи ва/ёки биргаликда Қарз олувчи томонидан мазкур шартнома, гаров шартномаси, суғурта шартномаси, кредит таъминотига тегишли бошқа шартномалар, шунингдек Банк билан тузилган бошқа шартномалар бўйича мажбуриятлар бузилганида ва/ёки бажарилмаганида ва/ёки лозим даражада бажарилмаганида;

- Қарз олувчининг ва/ёки биргаликда Қарз олувчининг молиявий ҳолати ёмонлашганда, шунингдек, даромад манбаи бўлмаганида;

- Қарз олувчи ва/ёки биргаликда Қарз олувчи томонидан ишончсиз ёки ёлғон маълумотлар тақдим қилинганда ёхуд Банк томонидан шу жумладан, кредитни, Қарз олувчининг ва/ёки

биргаликда Қарз олувчининг молиявий ҳолатини мониторинг қилиш учун сўралган маълумотларни тақдим қилиш рад қилинганида;

- гаров предмет(лар)ининг ва/ёки у(лар)нинг бир қисми нобуд қилинганида, қиймати пасайганида, қисман ёки тўлиқ йўқотилганида;

- Ўзбекистон Республикасининг амалдаги қонунчилигига асосан Гаровга қўювчи/Кафил/Суғурталовчи банкрот деб эълон қилинганида;

- Қарз олувчининг ва/биргаликда Қарз олувчининг бошқа кредиторлар олдидаги бирор-бир қарзини қайтариш эълон қилинганида ёки бошқа асосга кўра дастлабки қайтариш муддатидан олдин қайтарилиши лозим бўлганида;

- учинчи шахслар томонидан Қарз олувчининг ва/ёки биргаликда Қарз олувчининг мулкига ундирув қаратилганида ёки ушбу мулкка банд солинганида;

- Қарз олувчи ва/ёки биргаликда Қарз олувчи банк назоратидан бош тортганида;

- Кредит бўйича қарздорликнинг таъминотсиз қисми пайдо бўлганида;

- Банкнинг фикрига кўра кредит бўйича тўлов мажбуриятларининг бажарилишига жиддий таъсир кўрсатувчи ҳодислар келиб чиққанида ва/ёки кредитни қайтмаслик хавфини оширувчи бирор-бир ҳолатлар пайдо бўлганида;

- Банк/банк филиали томонидан Ўзбекистон Республикаси Марказий банки томонидан ўрнатилган иқтисодий нормативлар бажарилмаганида;

- Қарз олувчига ва/ёки биргаликда Қарз олувчига нисбатан жиноят иши ёки суд иши қўзғатилганида ва/ёки қарздорликни қоплаш таъминоти ҳисобланган Мижознинг мулкига банд солинганида ёки Қарз олувчининг ва/ёки биргаликда Қарз олувчининг пул маблағлари ёхуд бошқа мол-мулки билан боғлиқ операцияларни музлатиш ва/ёки тўхтатиш ҳоллари мавжуд бўлганида;

- Шартномани тузишдан ва ундан фойдаланишдан мақсад жинойий фаолиятдан олинган даромадларни легаллаштириш, терроризмни молиялаштириш ва оммавий қирғин қуролини тарқатишни молиялаштириш бўлиши мумкинлиги ҳақида шубҳа мавжуд бўлса;

- Учинчи шахслар томонидан пул маблағи ундириш ва/ёки Қарз олувчи ва/ёки биргаликда Қарз олувчининг мулкни талаб қилиб олиш ва/ёки банд солиш тўғрисида даъво киритилган ва мазкур даъвонинг миқдори Қарз олувчи ва/ёки биргаликда Қарз олувчи томонидан ушбу шартнома бўйича мажбуриятларнинг бажарилишини хавф остига қўйганида;

Банк қуйидаги ҳуқуқларга эга бўлади:

- Қарз олувчини ва/ёки биргаликда Қарз олувчини бу ҳақида амалдаги қонунчиликда белгиланган муддатларда огоҳлантириб, Шартнома бўйича кредит беришни муддатидан олдин бир томонлама тўхтатиш ва кредитни муддатидан олдин, шу жумладан, ундирувни гаров Предмети(лари)га ва/ёки у(лар)нинг бир қисмига қаратиш ва/ёки қарздорлик суммасини Кафилдан/Гаровга қўювчидан/Суғурталовчидан ундириш орқали ундирувга қаратиш. Ёзма огоҳлантиришнинг Қарз олувчига/Гаровга қўювчига/Суғурталовчига топширилган санаси ёки почта жўнатмаси юборилган сана ёзма огоҳлантириш юборилган сана бўлиб ҳисобланади;

- Кредит бўйича тўловларни амалга ошириш билан боғлиқ бўлмаган шартнома бўйича мажбуриятларни мажбурий ижро қилдириш бўйича суд жараёнини ўзнинг мутлақ ихтиёрига кўра бошлаб юбориш;

- Шартнома бўйича янги суммаларни ва/ёки янги кредитлар беришни тўхтатиш;

- Қарз олувчининг ва/ёки биргаликда Қарз олувчининг ҳар қандай Банкда очилган ҳар қандай ҳисобварағидан, шу жумладан ҳар қандай банк карталаридан пул маблағларини низосиз ва акцептсиз тартибда мазкур шартнома шартларидан келиб чиққан кредит бўйича асосий қарз, фоизлар ва/ёки бошқа тўловларни сўндиришга йўналтириш учун ечиб олиш.

5.5. Банк Шартномада кўрсатилган ҳуқуқ/талаблардан хоҳлаганини ўз хоҳишига кўра қўллаши ёки қўлламаслиги мумкин. Ушбу ҳуқуқ/талабларни қўлламаслик ёки қисман қўллаш улардан воз кечилганлигини аниқлашмайди ва бу ҳуқуқ/талаблар Шартнома амалда бўлган муддатда исталган вақтда қўлланилиши мумкин.

5.6. Шартнома тузилган санадан бошлаб 15 кун мобайнида Қарз олувчи томонидан кредитдан фойдаланилмаганида, Банк Қарз олувчини шартномани бир томонлама бекор қилиш

режалаштирилаётган санадан 3 (уч) календар кун олдин ёзма равишда огоҳлантирган ҳолда Шартномани бир томонлама бекор қилиш ҳуқуқига эга. Ёзма огоҳлантириш топширилган ёки почта жўнатмаси юборилган сана ёзма огоҳлантириш юборилган сана бўлиб ҳисобланади. Шартнома ёзма огоҳлантириш юборилган санадан бошлаб бекор қилинган ҳисобланади.

5.7. Тарафлар тегишли келишув билан расмийлаштирилган ёзма розиликсиз Шартнома бўйича ўз ҳуқуқ ва мажбуриятларини тўлиқ ёки қисман бошқа шахсларга ўтказиш ҳуқуқига эга эмас.

5.8. Кредит эвазига олинган товар (хизмат)нинг Қарз олувчи томонидан қайтарилиши натижасида Қарз олувчининг талаб қилиб олингунча депозит ҳисобварағига/банк картасига/суда ҳисобварағига келиб тушган пул маблағлари Шартнома бўйича қайтариб берилган фойдаланилмаган кредит маблағи сифатида Банк томонидан мустақил равишда кредит бўйича асосий қарздорликни сўндиришга йўналтирилади.

5.9 Банк Қарз олувчи ва/ёки биргаликда Қарз олувчи билан боғланиш ҳамда уларга алоқа воситалари ёрдамида ва Шартноманинг 7-бўлимида ҳамда кредит олиш учун Қарз олувчи томонидан Банкка тақдим қилинган бошқа ҳужжатларда кўрсатилган манзилга (телефонига), шунингдек, Қарз олувчидан ва/ёки биргаликда Қарз олувчидан олинган алоқа маълумотларига, шу жумладан, телефон алоқаси воситасида, телефон рақамига SMS –хабарнома жўнатиш йўли билан, почта хизмати орқали рўйхатдан ўтган/ҳақиқатдан яшаш манзилига, электрон почта ёки бошқа ҳар қандай алоқа воситалари орқали, шунингдек, Қарз олувчининг рўйхатдан ўтган/ҳақиқатдан яшаш манзилига/иш жойига бориш орқали билдиришнома ва хабарнома юбориш ҳуқуқига эга.

5.9.1. Қарз олувчи ва биргаликда Қарз олувчи Шартноманинг 7-бўлимида кўрсатилган алоқа воситалари ва манзиллар (телефонлар), улар орқали Қарз олувчи билан алоқа ўрнатиш имкониятини таъминловчи Қарз олувчи билан келишилган қайта алоқа воситалари эканлигини тасдиқлайди.

5.10 Банк Ўзбекистон Республикаси Вазирлар Маҳкамасининг 2002 йил 18 январдаги 26-сонли Қарорига мувофиқ Қарз олувчи ва/ёки биргаликда Қарз олувчидан кредит суммасини, бошқа тўловларни нотариал тасдиқланган ижро хатига асосан ундириш ҳуқуқига эга.

6. БАНКНИНГ МАЖБУРИЯТЛАРИ

6.1. Банкнинг мажбуриятлари:

6.1.1. Қарз олувчига Шартномада кўрсатилган шартларда кредит маблағлари ажратиш;

6.1.2. Кредитнинг фойдаланилган қисмига Шартнома шартларига мувофиқ фоизлар ҳисоблаб бориш;

6.1.3. Кредит бўйича қарздорликни ундириш мақсадида муддати ўтказиб юборилган қарздорлик юзага келган санадан бошлаб 7 (етти) календарь куни давомида Қарз олувчи ва/ёки биргаликда Қарз олувчи билан Шартномада келишилган ҳар қандай алоқа усулларида фойдаланиб Қарз олувчига ва/ёки биргаликда Қарз олувчига қарздорликни ундириш кераклиги ҳамда кредит бўйича мажбуриятларни бажармаслик оқибатлари ҳақида ўрнатилган шаклда хабар бериш. Хабарномани қўлга топшириш ҳамда у ҳақида телефон воситалари орқали оғзаки эслатмалар қилиш маҳаллий вақт билан соат 8:00 дан 20:00 гача амалга оширилади;

6.1.4. Қарз олувчи ва/ёки биргаликда Қарз олувчи томонидан шартномага асосан кредит бўйича қарздорлик суммасини тўлаш мажбурияти тўлиқ бажарилган санадан бошлаб уч иш кунидан кечиктирмаган ҳолда:

- гаровда турган мулкни тақикдан чиқариш;

- гаров сифатида бўлган мол-мулкка нисбатан банкнинг ҳуқуқлари тўғрисидаги ёзувни гаров реестридан чиқариш чораларини кўриш;

6.1.5. Шартнома бўйича мажбуриятлар тўлиқ бажарилганда Қарз олувчининг ва/ёки биргаликда Қарз олувчининг тегишли сўрови банкда рўйхатдан ўтказилган кундан бошлаб бир иш куни ичида кредит шартномалари бўйича Қарз олувчи ва/ёки биргаликда Қарз олувчи томонидан мажбуриятлари тўлиқ бажарилганлигини тасдиқловчи ҳужжат тақдим этиш;

6.1.6. Қарз олувчининг ва/ёки биргаликда Қарз олувчининг тегишли сўрови банкда рўйхатдан ўтказилган кундан бошлаб ўн иш куни ичида Қарз олувчига ушбу шартнома бўйича кредит берилганлигини тасдиқловчи ҳужжатни тақдим этиш.

7. ҚАРЗ ОЛУВЧИНИНГ ҲУҚУҚЛАРИ

7.1. Қарз олувчи жарима санкцияларисиз исталган вақтда кредитни шартномада ўрнатилган муддатлардан олдин сўндириш ҳуқуқига эга. Кредитни қайтаришнинг ануитет графиги бўйича асосий қарздорлик қисман сўндирилганда, кейинги графикни ўзгартириш кредит қайтарилишининг оралик даврийлиги ва охириги тўлов муддати сақланган ҳолда ҳар ойлик ануитет тўловнинг миқдорини камайтириш ҳамда Шартноманинг тўлов графигини ўзгартириш ҳақида қўшимча келишув тузиш йўли билан ўзгартириш киритиш орқали амалга оширилади.

7.2. Кредит картаси Обьекти учун тўлов амалга оширилгунга қадар бўлган даврда кредит олишдан бепул асосда воз кечиш.

7.2. Кредит (қарз) бўйича гаровда турган ўзининг депозитидаги (омонатидаги, агар у мавжуд бўлса) маблағларини депозит (омонатнинг) амал қилиш муддатидан қатъи назар, кредитни (қарзни) қайтариш учун йўналтириш. Бунда, қарз олувчи кредит (қарз) бўйича гаровда турган ўзининг муддатли депозитидаги (омонатидаги) маблағларини шартномада кўрсатилган депозит (омонат) муддати тугагунга қадар кредитни (қарзни) қайтариш учун йўналтирмоқчи бўлса, у бу ҳақда банкни (депозитни) омонатни қайтаришни мўлжаллаётган санадан камида бир ой олдин хабардор қилиши лозим.

8. ҚАРЗ ОЛУВЧИНИНГ МАЖБУРИЯТЛАРИ

8.1. Қарз олувчининг мажбуриятлари:

8.1.1. Кредитдан Шартноманинг 3.1-бандига мувофиқ белгиланган мақсаддагина фойдаланиш ва кредитдан мақсадли фойдаланилганлигини тасдиқлаш учун қуйидаги ҳужжатларни Банкка тақдим қилиш (шартнома тузилган кундан бошлаб 1 ой ичида):

- товарнинг сотилганлигини (сотиб олинганлигини) тасдиқловчи ҳужжатлар – товар сотиб олинганлиги тўғрисидаги шартнома нусхаси;
- мулк ҳуқуқини тасдиқловчи ҳужжатлар (транспорт воситасининг рўйхатдан ўтказилганлиги тўғрисидаги гувоҳноманинг нусхаси);

8.1.2. Кредитдан фойдаланиш жараёнида кредитлашнинг асосий тамойилларига: муддатлилиқ, қайтаришлиқ, мақсадлилиқ, тўловлилиқ, таъминланганликка риоя қилиш;

8.1.3. Шартнома шартларидан келиб чиқадиган Кредит бўйича асосий қарз, фоизлар ва/ёки бошқа тўловларни Шартномада белгиланган муддатларда қайтариш. Қарз олувчи Шартнома бўйича мажбуриятларини сўндириш учун Шартномада белгиланган миқдорда ва муддатларда пул маблағларини таъминлаши шарт;

8.1.4. Мазкур шартнома бўйича Қарз олувчининг молиявий ҳолатини ёмонлашишига олиб келувчи ва Қарз олувчининг Банк олдидаги мажбуриятларини бажармаслик ва/ёки лозим даражада бажармаслик хавфини келтириб чиқарувчи бирор-бир мажбуриятларни ўз бўйнига олмаслик ҳамда чораларни кўрмаслик;

8.1.5. Банкнинг назорат функцияларини амалга ошириши учун:

А) Банк, унинг ходимлари ва ҳуқуқий ворисларига виртуал Кредит картаси олиш учун Қарз олувчи томонидан тақдим қилинган анкета ва ҳужжатларда кўрсатилган маълумотларни хоҳлаган маълумотлар манбаасидан, шу жумладан иш, яшаш жойига бориб текшириш ва қайта текширишга имконият яратиб бериш.;

Б) Қарз олувчининг жорий тўловга қобилиятлилигини таҳлил қилиш мақсадида бир йилда камида 1 маротаба Қарз олувчининг даромадларини тасдиқловчи ҳужжатларни тақдим этиш;

В) Банк томонидан лойиҳани мониторинг қилиш ва Гаров предметининг мавжудлигини, сақлаш шароитларини текшириш учун ҳамма шароитларни яратиб бериш ва бунга қаршилиқ қилмаслик, Гаров предмети бўйича Банк талаб қилган барча маълумотларни тегишли сўров юборилган санадан бошлаб 5 (беш) календар кун ичида Банкка тақдим қилиши шарт. Ёзма сўров Қарз олувчига топширилган сана ёки почта жўнатмасининг санаси ушбу сўров юборилган сана бўлиб ҳисобланади;

Г) Шартнома доирасида ажратиладиган кредит бўйича унинг мақсадли ишлатилганлиги, Гаров предметини кўздан кечириш, мониторинг далолатномаларини ўз вақтида имзолаш;

Д) Банкнинг ёзма сўровига асосан ушбу сўров юборилган санадан бошлаб 5 (беш) календар кун ичида шахсий маълумотларини, таржима ҳоли ёки бошқа маълумотларни Банкка тақдим қилиш. Ёзма сўров Қарздорга топширилган сана ёки почта жўнатмасининг санаси ушбу сўров юборилган сана бўлиб ҳисобланади;

8.1.6. Кредит ҳисобидан тўлов қилинган Кредит картаси Обьекти Қарз олувчи томонидан қайтариб берилганда Кредит картаси Обьекти учун кредит ҳисобидан тўланган маблағларни Қарз олувчининг Банкдаги тегишли ҳисобварағига қайтарилишини таъминлаш;

8.1.7. Шартноманинг 4.1-бандига мувофиқ ва ушбу бандда кўрсатилган муддатларда тегишли шартномалар/ҳужжатларни тузиш/имзолаш/расмийлаштириш;

8.1.8. Қуйидаги ҳолларда Банкнинг биринчи талаби билан қўшимча таъминот тақдим қилиш:

- Қарз олувчининг молиявий ҳолати ёмонлашганида;
- Биргаликда Қарз олувчининг молиявий ҳолати ёмонлашганида;
- Шартноманинг 5.1-бандида кўрсатилган гаров предмет(лар)и ва/ёки у(лар)нинг бир қисм(лар)и нобуд бўлганида, қиймати пасайганида, тўлиқ ёки қисман йўқотилганида;
- Қарз олувчи амалдаги қонунчиликка асосан Банк билан алоқадор шахсга айланишига олиб келувчи вазият юзага келганида. Бунда кредит бўйича таъминот Банкни қаноатлантирадиган мол-мулк гарови кўринишида бўлиши ва кредит бўйича асосий қарздорлик қолдиғининг камида 130% ни ташкил қилиши шарт;

- Кредитнинг қайтмаслик хавфини оширувчи бошқа омиллар юзага келганида;

8.1.9. Шартнома шартларидан келиб чиқадиган кредит бўйича асосий қарздорлик, фоизлар ва/ёки бошқа тўловларни тўлаш муддати келганида Қарз олувчининг Банкдаги ҳар қандай ҳисобварағидан, шу жумладан, Қарз олувчининг бошқа банклардаги ҳисобварақларидан, шу жумладан, ҳар қандай банк карталаридан пул маблағларини Шартномада назарда тутилган навбат тартибида акцептсиз, мутлак, сўссиз ва низосиз ҳисобдан чиқариш ҳуқуқини бериш ва беради;

8.1.10. Банкнинг талаби билан Банк қилган барча харажатларни ва кўрган барча зарарларни, шу жумладан, Шартнома доирасида кредит қарздорлигини (асосий қарз, фоизлар ва бошқа тўловлар) мажбурий ва/ёки муддатидан олдин ундириш чораларини кўрганлиги билан боғлиқ бўлган барча харажатлар ва кўрган барча зарарларни қоплаб бериш.

8.1.11. Виртуал кредит картасини олиш учун анкетада кўрсатилган маълумотларнинг ўзгарганлиги, шунингдек, Қарз олувчининг паспорт маълумотларидаги, рўйхатдан ўтган, амалдаги яшаш жойи мазилидаги, ишдаги, фамилиясидаги, исмидаги, отасининг исмидаги ўзгаришлар ва/ёки шартнома бўйича Қарз олувчининг мажбуриятларини бажаришига таъсир қиладиган бошқа ўзгаришлар ҳақида бундай ўзгаришлар бўлган кундан бошлаб 3 (уч) календар кун ичида Банкни хабардор қилиш ва зарур бўлганда Банк билан қўшимча келишув тузиш.

8.1.12. Банкнинг ушбу шартномада ва/ёки Ўзбекистон Республикасининг амалдаги қонунчилигида назарда тутилган ҳуқуқларини амалга оширишига тўсқинлик қилмаслик;

8.1.13. Кредит карта Обьектини ишлаб чиқарувчи корхонани ёки реализация қилувчи ташкилотни Кредит картаси олинаётганлиги ҳақида олдиндан ёзма шаклда хабардор қилиш;

8.1.14. Банкнинг ёзма розилигисиз Шартнома бўйича ўз ҳуқуқ ва мажбуриятларини тўлиқ ёки қисман учинчи шахсларга ўтказмаслик;

8.2. Биргаликда Қарз олувчи мазкур Қоидаларнинг 8.1.3., 8.1.4., 8.1.5., 8.1.9. ва 8.1.14.-кичик бандларида назарда тутилган мажбуриятларга риоя қилиш мажбуриятини олади.

9. ТАРАФЛАРНИНГ ЖАВОБГАРЛИГИ

9.1. Қарз олувчи томонидан гаров, суғурта шартномаси ва Гаров предметини суғурта полиси ва/ёки кафиллик шартномалари Шартноманинг 5.1-бандида назарда тутилган муддатларда ва шартларда ўз вақтида расмийлаштирилмаганида ва/ёки тақдим этилмаганида, Банк ҳар бир кечиктирилган кун учун муддатида расмийлаштирилмаган таъминот суммасининг

0,1 % миқдорида, бироқ, муддатида расмийлаштирилмаган таъминот суммасининг 10% дан кўп бўлмаган миқдорда пеня ундириш ҳуқуқига эга.

Ушбу орқали Қарз олувчи ва/ёки биргаликда Қарз олувчи, ҳисобланган ҳар қандай пеня суммасини ўзининг Банкдаги ва бошқа тижорат банкларидаги ҳар қандай ҳисобварағидан Банкнинг акцептсиз ва низосиз тартибда ечиб олиш ҳуқуқини тан олади ва Банка шундай ҳуқуқни беради.

9.2. Шартномага асосан кредит маблағларини ажратиш бўйича мажбуриятларни бажарилмаганлиги ёки ўз вақтида бажарилмаганлиги учун Қарз олувчи Банкдан ҳар бир кечиктирилган кун учун ажратилмаган кредит маблағлари суммасининг 0,1 % миқдорида, бироқ, ажратилмаган кредит маблағларининг 10 %идан кўп бўлмаган миқдорда пеня ундириш ҳуқуқига эга.

9.3. Ушбу орқали Қарз олувчи кредит объектининг миқдори, сифати, бутлиги ва қиймати бўйича ҳамда Кредит картаси объектини реализация қилувчи ташкилотни ўзи танлаганини тасдиқлайди ҳамда мазкур ташкилот томонидан олди-сотди (сотиб олиш) шартномасининг тузилиши ва унинг шартлари бажарилиши бўйича Банк жавобгарликни ўз зиммасига олмайди.

9.4. Шу билан бирга Тарафлар короновирус инфекцияси (COVID-19) пандемияси ва (ёки) бошқа ҳар қандай эпидемия ва кассаликларнинг тарқалиши, шунингдек, пандемия муносабати билан жорий қилинадиган чеклов чоралари (шу жумладан, Ўзбекистон Республикасида карантин эълон қилиниши) Шартнома бўйича “енгиб бўлмас куч” (форс-мажор) деб эътироф этилмаслигини англайдилар ва шунга келишганлар ҳамда Тарафлар Ўзбекистон Республикаси Фуқаролик кодексининг 333-моддаси, 3-қисмининг диспозитив норма эканлигини ҳисобга олган ҳолда унга мувофиқ енгиб бўлмас куч тўғрисидаги қоидаларнинг қўлланилишини истисно қиладилар. Мазкур банднинг қоидалари ҳатто давлат органлари томонидан Тарафларнинг Шартнома бўйича мажбуриятларни лозим даражада бажаришига Тарафлар олдиндан кўра олмайдиган ва/ёки оқилона чоралар орқали олдини олиш мумкин бўлмаган чекловлар ўрнатувчи ҳаракатлар ёки қарорлар қабул қилинган тақдирда ҳам қўлланилади.

10. БОШҚА ШАРТЛАР

10.1. Низо келиб чиққан тақдирда, Банкнинг қайдлари ҳар икки тараф Шартномавий мажбуриятларининг устунроқ далили бўлиб ҳисобланади.

10.2. Шартномада назарда тутилмаган ҳолатлар келиб чиққан тақдирда, ҳар иккала Тараф ҳам Ўзбекистон Республикасининг амалдаги қонунчилигига асосан иш кўрадилар.

10.3. Кредит бўйича талаб қилиш ҳуқуқини учинчи шахсга ўтказиш фақатгина Қарз олувчининг розилиги билан амалга оширилади. Кредит бўйича талаб қилиш ҳуқуқини учинчи шахсга ўтказиш алоҳида келишув билан расмийлаштирилади.

10.4. Тарафлар низони судгача ҳал этишнинг ягона усули сифатида талабнома тартибини (ўз позициясини ва вазиятга ечим топиш бўйича таклифини баён қилган ҳолда хат алмашиш) тан олишади. Низони ҳал этишнинг талабнома юбориш тартиби мажбурий ҳисобланади.

10.4.1. Талабнома қуйидаги шартларни ўз ичига олиши лозим:

- банк номи ва уни идентификациялаш учун етарли маълумотлар;
- талабнома расмийлаштирилган санадаги Қарз олувчининг жорий қарзи миқдори ва таркиби;

- Қарз олувчи ўз мажбуриятларини бажариши лозим бўлган муддат (ўн кундан кам бўлмаган);

- талабномада кўрсатилган муддатгача Қарз олувчи ўз мажбуриятларини бажармаслиги оқибатлари;

- низони судгача ҳал этишнинг усуллари.

10.4.2. Банк талабномани Қарз олувчининг Шартноманинг 7-бўлимида назарда тутилган почта ёзишмалари учун манзили бўйича етказиб беради.

10.4.3. Талабнома Қарздор томонидан талабномада белгиланган муддатда кўриб чиқилиши керак. Мазкур муддат тугагандан сўнг Банк судга мурожаат этиш ҳуқуқига эга.

10.4.4. Талабномани олмаслик хавфи Қарз олувчи зиммасида бўлади. Талабнома олинмаганда, Банк талабнома жўнатилган кундан бошлаб унда кўрсатилган муддат ичида судга муурожаат қилиш ҳуқуқига эга бўлади.

10.5. Қарз олувчи вафот этган тақдирда унинг ушбу шартнома бўйича ҳуқуқ ва мажбуриятлари Ўзбекистон Республикасининг қонунчилигида ўрнатилган тартибда унинг меросхўрларига ўтади.

10.6. Тарафлардан бирининг ҳуқуқий мақоми ўзгарган тақдирда, ҳуқуқий мақоми ўзгарган тараф ушбу ўзгаришлар содир бўлгунига қадар мазкур шартнома бўйича иккинчи тараф олдидаги мажбуриятларини бажариши ёхуд уларни бажаришни иккинчи тарафнинг ёзма розилиги билан ўзининг ҳуқуқий ворисига юклатиши шарт.

10.7. Қарз олувчи мазкур шартнома шартларига ўзининг ташаббуси билан киритилган ҳар қандай ўзгартиришлар учун Банкнинг ваколатли органи томонидан мазкур ўзгартиришлар киритиш ҳақида қарор қабул қилинган санадаги асосий қарздорлик қолдиқ суммасининг 0,5 % миқдориди, бироқ, қонунчиликда ўрнатилган БХМнинг 5 бараваридан кўп бўлмаган миқдорда Банкка бир марталик воситачилик ҳақи тўлайди, мазкур Қоидаларнинг 10.7.1-кичик бандида кўрсатилган ҳоллар бундан мустасно. Ўзгартиришлар киритилганлиги учун воситачилик ҳақи Шартномага Қўшимча келишувлар тузилган санада тўланади.

10.7.1. Қарз олувчи томонидан мазкур Шартнома бўйича мажбуриятларни қисман ёки тўлиқ бажарилмаслик хатарини келтириб чиқармайдиган ўзгартиришлар (фоиз ставкасининг оширилиши, реквизитлар, мулкчилик шакли ва б.ш. қисмига ўзгартиришлар киритиш), шунингдек, Кредит бўйича асосий қарзни муддатидан олдин қисман сўндирилиши муносабати билан тўлов графигининг ҳар ойлик аннуитет тўловининг қайта ҳисобланган қисмига ўзгартиришлар киритиш Шартнома шартларига ўзгартириш киритганлик учун бир марталик воситачилик ҳақи ундирилмасдан амалга оширилади.

10.8. Мазкур Қоидаларга ўзгартиришлар ва/ёки қўшимчалар киритиш тартиби:

10.8.1. Мазкур Қоидалар Шартноманинг ажралмас қисми эканлигини ҳамда унинг шартлари барча Қарз олувчилар учун бир хил бўлиши лозимлигини (Ўзбекистон Республикасининг амалдаги қонунчилигига мувофиқ Қарз олувчиларнинг алоҳида тоифасига имтиёзлар бериш назарда тутилган ҳолатлар бундан мустасно) инobatга олиб, Қоидаларга ўзгартиришлар ва/ёки қўшимчалар Ўзбекистон Республикаси Фуқаролик кодексининг 382-моддаси, 1-бандига асосан фақатгина Банкнинг ташаббусига кўра киритилади.

10.8.2. Ушбу орқали Қарз олувчи ва биргаликда Қарз олувчи Банкка амалдаги қонунчилик нормаларининг ва/ёки банк хизматларини тақдим этиш технологиясининг ўзгарганлиги муносабати билан ва/ёки Банкнинг ўз хоҳишига кўра мазкур Қоидаларга бундай ўзгартириш ва/ёки қўшимчалар кучга киришидан камида 10 (ўн) календар кун олдин уларни Банкнинг сайтга жойлаштириш ҳамда бу ҳақида Қарз олувчи ва/ёки биргаликда Қарз олувчига мазкур Қоидаларнинг 5.9.1-бандида кўрсатилган усуллардан бири орқали хабарнома юбориш йўли билан ўзгартириш ва/ёки қўшимчалар киритиш ҳуқуқини беради.

10.8.3. Қарз олувчи ва/ёки биргаликда Қарз олувчидан, уларнинг киритиладиган ўзгартириш ва/ёки қўшимчалардан норозилиги тўғрисида ўзгартириш ва/ёки қўшимчалар кучга кирадиган санага қадар ёзма эътироз (ариза) олинмаган бўлса, ушбу ҳолат Қарз олувчи ва/ёки биргаликда Қарз олувчининг киритиладиган ўзгартириш ва/ёки қўшимчаларга сўзсиз ва тўлиқ розилигини (акцепти) билдиради, Қоидалар ва/ёки Шартнома Тарафлар ўртасидаги келишувга мувофиқ ўзгартирилган ҳисобланади. Бунда Ўзбекистон Республикаси Фуқаролик кодексининг 366-моддасига мувофиқ Қоидаларга ва/ёки Шартномаларга ўзгартириш ва/ёки қўшимча киритиш тўғрисидаги келишувнинг ёзма шаклига риоя қилинган ҳисобланади.

10.9. Қарз олувчи ва/ёки биргаликда Қарз олувчи Банк Шартноманинг 7-бўлимида кўрсатилган алоқа воситалари ва манзиллардаги (телефонлар) маълумотлардан Банкнинг реклама-ахборот матераиалларини жўнатиш учун фойдаланиши мумкинлигини тасдиқлайди.

10.10. Мазкур Қоидалар Банкнинг < https://clc.to/convenient_card_rules_uz1602 > манзили бўйича сайтида жойлаштирилган.

Қоидалар билан шуниндек, Шартноманинг биринчи бетидаги QR-кодни сканерлаш орқали танишиб чиқиш мумкин.